

太虛心淵篇

我性既肇稟受無殊圓圓大慧明明真靈是時物不能萌其惡種塵不能隱于罪芽而其境澄明瑩然內觀我心無心湛然外鑒物形無形坦坦蕩蕩萬慮歸空豈不樂乎洎逐緣端因忘前失後耽塵憂眷貪著其事日被三餐其心百變夜只一眠魂遊萬景馳神于嗜慾之鄉載靈在煩惱之界魂歌魄舞引奔死途意味識迷背了生路如是之際真可歎惜莫若灌漱靈泉先澆善根般泛法水次洗諸垢令我一性淨潔明白無掛無念圓圓不缺若秋月之當空湛湛無遮如白雲之離頂遂得空空不住實實無相覺入慧內明見大道是乃淨境之地也修命之人可道藏輯要

太虛心淵篇

卷

上品集五

至此界以心觀心以性見性神亦茫茫真亦浩浩得之哉得之哉

我性既肇

受此含元性明明太一初純然根大朴全卽在玄虛

稟受無殊

均與冲和秀何曾品有殊強分爲大小所以遠真無

圓圓大慧

妙見靈通遠無遮幸得圓精純藏大覺此最近天然

明明真靈

自得秋蟾白靈光甚浩然浮雲應不蔽皎潔瑩當天